

嘉慶寧國府志

寧國府志卷十四

營建志

城池

寧國府

府城西北據山依阜東南包原跨隰池西北半塹深溝半瀦積水東北宛句二水潞洞合流不經疏鑿

康熙志

城高二丈五尺厚三

九里一十三步門五並重關闕

閘樓堞皆具

乾隆志

舊堞一萬三千有奇今共三千九百七十塼原舖一十三所

今計增設一百二十九所

江南通志

東曰陽德東偏曰泰和南曰薰化西曰寶成北曰拱極

府縣志

周列侯國各有城至嬴秦名城墮矣漢高帝六年令天下郡

邑城時江以南猶爲楚之封國吳赤烏二年敕諸郡各治其

城郭江南郡城始此晉咸和初內史桓彝遂城宛陵今世傳

子城彝所築

嘉靖志

梁太守何遠而下稍增築之

字熙志乾隆志同

隋開皇中刺史王選以宛陵西北形勢別築羅城廣輪至三

十里宛溪貫其中唐因之

嘉靖志

按嘉靖志原注云舊城址見存東自灘子門抵下寨西止

城子門南起南隄截出上南門北葉驪山山洪爲界城中

畏宛溪溪之南北列二橋各有水門唐杜牧詩云敬亭山下百頃竹中有詩人小澗城又題開元寺水閣自注閣下乃宛溪也以此證之城按此山兼裴宛溪故其袤至三十里今考本朝舊志皆不載補之以存舊規

唐乾符以後竇滂爲秦彥所逐其後趙錕楊行密田頌李濤干戈相尋輒寇城下繼以楊渥王茂章李遇王檀率以兵攻城輒盡廢柴克宏以一巡檢使踵其後悉繕治之

節錄嘉靖志

宋乾德中江南未下南唐節度使林仁肇築新城韓熙載有

記

康熙志

按嘉靖志引嘉定宣城志云今羅城創於國朝建隆四年

偽唐刺史林仁肇以李煜命役軍夫二千爲之煜外稟正
卿實欲負險自固韓熙載謨宣州新賊裨微旨可見仁肇
江南將善用兵通卜筮陰陽書今城制蓋出其所畫襟山
帶溪得勢之便肖邇爲形南首北尾爲城門樓者八始鳩
工於壬戌而訖於癸亥至煜歸朝於乙亥一星終矣夫豈
偶然有如邨人浚渠卒爲秦人利也仁肇碑陰自述羅城
之制略云金光門西北轉至舊城崇德門東北角長五里
三百三步崇德門南轉至金光門東長四里三百三十步
共長一十里一百九十三步蓋合新舊城總而計之新開
濠塹自金光門轉透大溪長八百九十四丈濶二十丈深

三丈其樓東曰安定西曰太平南曰定寇北曰寧化中曰
敵勝萬人又東北曰勝敵西南曰定寇東南曰齊雲西北
曰集英所役軍夫以日計者四百有奇以工計者百七十
三萬七千七百有奇今碑存焉而八樓後稍革名亦隨改
俗言城九里十三步蓋舉其粗略爾其長濶當以碑爲正
康熙乾隆志皆不載今以碑佚脩錄之韓熙載碑文見藝
文

宋建炎三年呂侯好問得請給上供錢五萬緡付宣州守臣
脩城閤數月以工畢聞周紫芝有新城賦

嘉靖志

紹興改元李侯虔勵

原本誤作彥卿今依職官表改正

值兵後益嚴城脩始

以輒發周圍數里分管下縣界畫其地各廩丁夫以邑僚一人掌之越歲餘訖役而侯去官

嘉靖志

三十一年虜騎犯淮沿江郡各防秋任侯古急募丁夫補城之利缺繕軍資器械甚飭淮民遷徙來歸皆賴以安

嘉靖志

慶元以來城圯甚太守到任陳便民事皆以此爲言五年春沈侯繼祖奏乞修城錢糧有旨府先通度牒錢三萬九千緡已詔分三限補解內合解錢數給借爲錢一萬三千緡以工穀未舉役秋九月宋侯之瑞因命僱工明年工畢雉堞一新

嘉靖志

開禧二年李侯澄更造諸城門樓櫓自爲記

嘉祐三年杜侯範議脩城壁雖環之圯者明年顏侯頤仲節

邵浮費并諸城樓民不知役

嘉祐志

元至正中廉訪使道童重

加堊壁更定今五門名額

康熙志

明洪武中知府鞠騰霄永樂

中知府朱獻正統中知府葉錫相繼仿治

乾隆志

國朝順治七年知府管起鳳知縣王同春脩築王自爲記九年知

府秦宗堯移址向內加築康熙七年鼇峯嘴城根傾知府孔

貞來壘以石康熙十九年知府王國柱知縣鄧性於鼇峯城

上置月臺乾隆九年水患十年知縣游得宜奉文以工代賑

周城缺堞五門樓櫓警舖四十八所領帑脩理

乾隆志

大東門卽陽德門舊曰鐵牛門鐵牛今在木禾殿小東門卽

泰和門明嘉靖三十四年知府朱大器增設構保豐臺於上

自爲記雍正三年知府黃叔琪重脩

乾隆志

夾城在宣城縣學前明知縣詹事講用脩撰沈懋學議規之

以面學宮

乾隆府志

南門一帶爲龍脈所從入明季知縣陳泰來以兵警浚濠過

深議者謂爲不利康熙間通邑紳士填補

乾隆志

悠然亭在鰲峯月臺上嘉慶元年知府劉寶篋脩

採訪冊

城跟水斗門一在雲深橋一在茶峽蕩一在泰和門左一在

羊市巷鐵牛廟左一在朱衣巷一在岳廟後一在西門右凡

七所皆洩水之處其一在南門吳姓村右爲進水之處久廢

邑紳捐浚得之採訪冊

宣城縣

城池附郭見前

南陵縣

縣城高二丈五尺厚三丈周廣九百三十六丈二尺門四東曰寶應西曰瑞應南曰福應北曰靈應水關三東南曰禹雷西南曰偕樂其水合流環繞學前東北曰後樂縣舊無城明正德中知縣胡文靜置四門東迎恩西黌堂南麗正北拱辰嘉靖四十二年知府羅汝芳知縣邵永春始建城垣萬厯九年知縣沈堯中請增高三尺城濠四條租銀存留脩城又因

西北二門相距差遠酌於其中築臺防守扁曰靈雉以黑雉
常止其地也崇正中知縣甘文奎修改名倚劍臺

國朝康熙五十三年知縣宋廷佐重脩府縣舊志乾隆二十九年正月

知縣陳應聯詳請重拆重脩高一丈九尺八寸厚如舊周廣

一千三百四十二丈四尺垛口二千九百零五城樓八座門

八是年十一月工竣採訪冊

涇縣

城高一丈九尺厚八尺周九百三十二丈計五里內外甃以
石門四東迎暉西文明南保泰北拱辰又小東門一南北水
關各一元至元十三年縣尹施正大遷今縣治尙未有城

明正德中知縣鄭氣建三門東延和西通津北賓陽嘉靖四十二年知府羅汝芳知縣陳廷芝始築城三面環濠西臨大河石隄護腳萬厯二十四年知縣陳大綬自西門至北水關重築石隄十餘丈改文明曰水西崇正七年知縣尹民興復脩四城改拱辰曰拱極

府縣舊志

國朝乾隆二十九年知縣李元標奉文請帑大修城垣邑人亦樂助焉嘉慶五年河水衝損西南二城數十丈護隄四十八丈有餘知縣楊榮先詳請士民捐修會楊卒工未竣

採訪冊

寧國縣

縣城高一丈五尺厚稱是周五百一十九丈門三俱重關城

本孫吳築以防山賊宋南渡時增築元至正中白總管關北門明洪武南征塞之正德中知縣王時正重建四門東振武西接文南秀水北明山嘉靖中知縣范鎬更復三門名皆從民取義東春秀西秋實南南畝加築北樓爲政暇覽勝之地環城警舖七所濠四

西南今堙

國朝康熙十三年知縣馬光重脩定三門名額東啟明西中鎮南

景陽又東關外一門曰歛福西關外二門一曰朝京

北

一曰

長春

府舊志

旌德縣

縣城高二丈厚一丈二尺周八百九十一丈門七皆有樓東

門三上曰通和舊名中曰中和下曰義濟大西門曰永豐小

西門曰大有南曰阜民北曰迎恩水關一在上東門南警鋪

十二所縣舊無城元貞元中縣令王禎營四門明嘉靖中

知府沈志言知縣趙在奉督撫檄造城西南北負山東瀕淳

溪爲池

國朝順治十三年迎和義濟兩門圯十四年知縣王融脩康熙八

年知縣李士竝雍正八年知縣紀咸相繼重脩府舊志

太平縣

縣城高一丈六尺厚如之廣九百丈有奇石址十之七增甃
十之三門五東朝宗南文明西絃歌東北拱極西北和兌水

關二所有柵 縣舊無城明宏治正德間知縣王雄朱守爲
相繼立五門南寧國西絃歌上東門下東門北拱辰嘉靖四
十三年知府羅汝芳知縣顧鎰始築今城西北依山以富溪
爲池溪源出霧山東流至縣治合三思橋下水過南門經東
溪循城而去萬厯中知縣張廷榜增築

舊志

國朝乾隆二十九年奉文脩整

縣志

寧國府志卷十四

營建志

壇廟 各祠附

寧國府

社稷壇在府治西郊一里許北向社右稷左並用木主題曰
府社府稷之神歲以春秋二仲上戊日陳主而祭凡祭各幣
一羊一豕一爵三登一俎二簋二簋二盞四豆四無樂作志

風雲雷雨山川壇在府治南郊半里許南向中風雲雷雨左
山川右城隍歲以春秋二仲上丁之第三日陳主而祭凡祭
用幣七牲視社稷加二之一爵三俎二登一簋二盞二盞四

豆四無樂

舊志

按風雲雷雨山川壇今會典作神祇壇中設雲雨風雷之位左設本境山川之位右設本境城隍之位近歲春秋致祭由欽天監諏吉頒行非定以上丁後三日也又孟夏諏日行常雩禮天或不雨守土官率屬脩省虔禱神祇爲民請命既應而報陳設禮儀與常祭同若祈晴祈雪亦如之
先農壇在府治東郊

國朝雍正四年

敕建正廳三間東西配房四間

木牌坊一祭器座今俱圯

木簋二木盞二木邊四木豆四木帛匣一木青箱一耜田四畝九分農具牛一犁一耙一耨一農官一名農夫二名

乾隆志

按祭先農口歲用仲春吉亥行禮用朝服耕藉用采服府
縣秉耒首領雜職奉青箱播種詳見 大清會典見在遵行
郡厲壇在府治北郊半里許垣門庖廡曷備歲用清明七月
望十月朔先期府以告於城隍厥明導城隍於壇榜無祀鬼
神列壇下祭之用羊二豕三果蔬各四羹飯各數十酒亦如
之舊志

關帝廟在城有四一肇肇元妙觀左府主之一北門內朱衣
巷開元寺後縣主之一北門月城內置有祀田四十六畝歲
用霜降日宣州衛主之一南月城內寧國營主之

國朝雍正三年 敕封三代公爵春秋同日致祭乾隆十三年知

府宋敦倡修螯蜂大殿移奉三代神牌於後殿前建門樓左
建官廳三楹十八年宣城知縣黃中孚倡修完備每歲春秋
仲月致祭由欽天監諏吉頒行祭品用帛一白磁爵三牛一
羊一豕一果品五酒尊一行三跪九叩禮後殿祭品減牛行
二跪六叩禮每歲五月十三日致祭禮儀同乾隆六十
年重修螯蜂關帝廟知縣徐日簪記採訪
城隍廟在府治西南祀府城隍之神歲以春秋二仲同祭於
山川壇每屆祭則主之

國朝雍正二年知府黃叔琪脩有記舊志乾隆三十一年修葺賀元
昆記五十四年重修靈應宮六十年又脩均有樂輸姓氏碑

採訪冊

八蜡廟在府治北關外放生池旁

國朝雍正十三年 勅建一先帝二司農三農四郵表畷五貓虎

六坊七水庸八昆蟲乾隆十二年停祀

乾隆志

劉猛將軍廟在北關外放生池前

國朝雍正四年 勅建每年長至後第三戌日并正月十三日誕

辰至期主祭官就位行一跪三叩禮詣神位前跪衆官皆跪

讀祝畢再行一跪三叩禮

乾隆志

按乾隆志云社稷風雲雷雨山川先農八蜡城隍厲壇關帝劉猛將軍此八祀俱遵定典其祭期品式六邑所同詳

載於府各縣不更註今攷江南通志首列社稷風雲雷雨
山川先農郡厲四壇次列關帝城隍八蜡劉猛將軍四廟
茲仿其例以爲次序後五縣同

東嶽廟在縣治後西北祀泰山神

舊志

久圯乾隆間里人重建

三皇廟在宣城學西今廢

康熙志江南通志同

楊四將軍廟在北門外尹公橋明天啟四年建祀江河之神

國朝康熙十年冬知縣李文敏兌運水陽適水涸漕阻憂之禱於
神果大雨雪六晝夜漕艘畢集兌運獲濟文敏感神助爲捐
俸重建舊止四楹今拓爲八更於廟前置臺壯麗改觀自爲

記

舊志

項王廟在府治嶧山下相傳項羽嘗駐軍於此

三聖廟在府治天慶觀之左宋建炎中叛寇戚方圍城急知州事李光於城南見三神人爪指長踰尺焚香祝之賊砲反擊遂遁去光爲立祠呂廣問記三聖長曰賀息次日遊奕三

日金甲

舊志

敏應廟在府治敬亭山麓祀廣惠王之神歲用八月朔日廟始於宋元嘉中有魏長史者自江右載豆來宣城忽有梓木並舟而行夜夢神告曰我錢塘梓府君也欲托祠於昭亭山旣而舟至其處魏度山麓宜爲神居然無以得材復夢神曰宣城方病目舟中豆可療也試之輒驗得錢旣多祠遂成宋

政和賜額敏應觀明初知府黃榮祖復建洪武中知府胡乾祐重建後圯洎宣德中徐善淵延江西龍虎山法士顏福淵捐資募衆大加脩拓正統中知府袁旭請禮部尙書胡濙記崇禎初知縣陳泰來改廟門東向建石坊規制益雄麗

國朝康熙十一年知縣李文敏脩

舊志

魯府君廟在府城東南錢村祀梅知巖隋末大亂知巖有保障功故廟祀萬曆志曰魯王廟按史無魯王封敕故嘉靖志

曰魯府君廟今從之

康熙志

英濟廟在薰化門內相傳爲昭明太子行祠能弭火災今額曰火王廟

國朝順治初道官葉昭連重脩

舊志

東平廟凡四一在縣治東北大街今日高廟一在縣治西北東嶽廟左一在薰化門外廟岡上今日南門殿有祀田十二畝一在陽德門外東直街並祀唐忠臣張巡歲以七月誕辰

邑人賽祭數日

舊志

褒烈廟在府治西門內祀宋資政殿學士知宣州事李莊簡光歲用六月朔日相傳爲公誕辰宋乾道中公以禦寇功詔廟祀賜額初在北門外元末燬明洪武二年徙建此

舊志

張公廟在府治西南城隍廟左祀宋州守張果

國朝乾隆三年宣州衛守備李祱倡健後殿奉文信公神主置有

祀產

舊志

乾隆五十九年重脩知縣徐日簪記

採訪冊

張公標紙廟在府城北五里宋紹興二十三年知州事張果夢神語城將陷沒果抱籍入水死民求得其屍殮而奠之因名焉後有僧冒據改爲法露庵祀幾廢

國朝康熙九年知縣李文敏詢知顛末曰張公功德在民不可沒

也乃捐俸建樓於佛廬之上祀張公像令僧守之自爲記

黃志

鄉社廟在各里二百十所

嘉靖志按鄉社廟今多圯惟鹿巷三義閣豆粉巷魁星巷四廟現在

陵陽廟在府治後陵陽山麓宋紹興中山神示夢張守城得不沒郡人德之於九曲巷內特立一廟

國朝乾隆六年同知祝宣又於舊廟左重建大殿門樓

乾隆志

佑聖閣在府治西北街祀真武爲府屏障據形家言恐犯火

災昔曾畫滄洲圖以制之尋因火廢里人鍾允諧徐雲九復

畫九龍圖於壁

乾隆志

水神殿在喪臨鎮知縣杜濱建

乾隆志

附各祠

二仙祠在府治後祀南齊謝朓唐李白今廢

舊志

昌黎祠在舊州學內今廢

舊志

六先生祠在舊州學內祀周敦頤程頤程頤張載朱熹張杖

今廢

舊志

義烈祠在北關外祀宋赤心隊將劉晏建爰中宴以赴州守

李光援與叛寇戚方戰死土人哀之建祠於此

舊志

文公祠在北門外宛陵驛祀宋丞相知府事文天祥明萬厯三年知府陳俊知縣姜奇方建都御史宋儀望記

國朝順治中知縣王同春脩後圯乾隆三年守備李畝知縣吳飛

九重建合祀張公設有祭田

舊縣志

汪公祠在南郭顏家橋南祀元禮部尙書汪文節澤民歲用

春秋二仲上丁後三日有尙書王恕記

舊志

七賢祠在敬亭山原名五賢祠祀謝朓李白韓愈晏殊范仲淹後增張慎言姜堞爲七賢

國朝康熙五十一年知府修贐偉重建有記乾隆三年督學鄭江

知府程侯本知縣吳飛九重脩十八年知府朱敦知縣黃中

孚勸論貢生陳師捐資重脩舊志嘉慶十年知府魯銓倡捐重

脩巡道宋鎔記

採訪冊

四賢堂在舊府學祀徐勣劉琦凌策梅堯臣今圯

嘉靖志

遺愛祠在小東門內祀宋知宣州事張果明知府袁旭沈性

國朝康熙元年推官楊應標潔己愛民尋艱去其後同知鄭載鵬

吏治有聲進表終於京邸士民思之並附主增祀焉雍正元

年庠生張鳳翼里耆高登岱募衆重脩

舊志

張侯祠在水陽南二里祀里人張儋唐廣明時構嘗築堤捍

禦水災鄉人感而祀之

舊志

陳忠烈祠在府學正東祀明禮部尚書陳迪歲用春秋二仲

上丁後五日嘉靖中通判李默建有記

舊志

俞節愍祠在府治大東門內祀明燕府教授俞逢辰祭期與

陳忠烈同萬厯中知府陳俊知縣姜奇方奉敕建

舊志

袁公祠在濟川橋左專祀明知府袁旭旭建鳳凰濟川二橋

坐涇人程御史富蜚語與督工醫官苟存善同逮繫卒於獄

邑人建祠祀之以存善附

乾隆志

及公祠在府治西祀明知府及宦嘉靖中建於泰和門內侍

講趙水撰碑後圯知府尹宇從郡父老請重建於此郡人參

議焦垺記

舊志

張公祠在府學左祀明知府張德明

乾隆志

王公祠在東溪橋側祀明知府王嘉賓以勦建石橋郡人德之故祀於此

舊志

羅公祠在泰和門內祀明知府羅汝芳公勦置書院倡明理學教士有功故祀之舊在景德寺西乾隆三年庠生羅瀛羅

湘倡募改建今所

乾隆志

八賢祠在府治前原名四賢祠祀明知府方逢時鄭繼之蕭良譽金勵四人崇正中增入王公弼周光夏

國朝順治中又增管起鳳龔鯤爲八賢祠

乾隆志

漆公祠在西察院左祀明推官漆嘉祉

舊志

盧公祠在北門羅城內祀明知縣盧維屏

舊志

陳公祠在縣治西祀明知縣陳泰來

舊志

梁公祠在北門內大街祀明知縣梁應奇今養賢圩隄上亦

有祠

舊志

余公祠在北門外澄江亭側祀明知縣余應

舊志

翟公祠在西門大街祀知縣翟蒙孔

舊志

二烈清風祠在府治西鹿巷口祀元烈女胡氏紀氏姑嫂二

人明宏治十五年巡按劉淮令郡邑建題額嘉靖十七年知

府曹邁脩萬曆四年知府陳俊知縣姜奇方重脩劉淮陳俊

並自爲記

舊志

烈女祠在東市街迎春巷口祀明烈女徐氏尋廢為尼舍督學御史賈某巡按御史田惟嘉疏聞毀尼舍復建額曰不泯

香名

乾隆志

宣城附郭已見前

南陵縣

社稷壇在縣北二里

舊志

風雲雷雨山川壇在縣南二百步以上二壇俱明正統間縣

丞蕭孟政建

舊志

先農壇在縣東二里嘉慶四年各園捐資重建

採訪冊

邑厲壇在北門外房三楹告文碑亭一今房廢

採訪冊

關帝廟在縣治右明景泰間建萬曆壬午知縣沈堯中崇正

末知縣朱龜鑑次第增擴舊志後樓崇祀三代雍正四年知縣

宋廷佐建乾隆十五年知縣伍格重脩採訪冊

城隍廟在縣北五百步舊在縣西明洪武三年知縣甘潤移

建今所

國朝順治八年知縣宋朝儒十二年知縣楊必達相繼脩舊志

八蜡廟在縣北一里雍正十一年建向奉八蜡神主併劉猛

將軍像嘉慶二年知縣左輔重脩採訪冊

劉猛將軍廟在縣西三里西樂庵採訪冊

火神廟在崇教寺西崇正間知縣朱龜鑑重建前廊庠生劉

台端建子劉楷係劉沛劉燾重修

舊志

降福殿在崇教寺東祀唐張睢陽明萬曆二十一年知縣
桂芳重建訓導王廷斌捐俸十金取息春秋辦祭

茅將軍廟在縣東迎恩寺今爲接 詔迎春之所

舊志

周太保廟在縣北六十里祀吳春穀長周泰

舊志

晏公廟在縣北二里惠民橋下明洪武二十七年知縣周銓

建

舊縣志

廣惠王廟在縣西二十里工山下祀工山之神卽晉孝子何

琦祀用六月晦日

孝感祠在縣東十字街祀晉孝子何琦

康熙志 江南通志同

按此祠今移北街城隍廟東準襲祀生見新修縣志

文昌祠在安賢祠明經樓上萬厯十二年知縣沈堯中建今

樓圯神像安奉祠右屋三楹

國朝乾隆年間朋溪劉氏重脩

採訪冊

安賢祠在開化寺後明經樓下祀張巡李白杜牧之李經何

琦吳景六人

舊志

今樓圯神主安奉寺左僧舍歲以春秋二仲

上戊日致祭

採訪冊

徐公祠在存穀坊祀宋學士徐勣

國朝乾隆八年奉文建

舊志

陳公祠在北關外陳氏宗祠側祀宋丞相陳堯叟公籍閩中

宋末嫡孫陳鳳教諭南陵因家焉

國朝康熙五十四年 詔建先賢祠祀學政余正健咨請准龔奉

祀生乾隆十七年裔孫監生陳以儀陳性等重建知縣段方

舉碑記

舊志

忠義張公祠在儒學東祀元義士張國岡明洪武元年敕封
忠義將仕郎建專祠明末被燬

國朝乾隆十五年奉 詔查復忠烈祠墓巡撫衛咨部重建乾隆

五十九年奉 詔查復祀生學政吳總督蘇巡撫陳會同咨

部准龔奉祀

採訪冊

吳公祠在籍山橋東祀明僉事吳景嘉靖十九年敕建本邑

專祠監忠義坊准興祀生

國朝乾隆七年奉各憲咨部重修祠前牌坊

採訪冊

沈公祠在縣東三十里上義豐圩萬厯中知縣沈堯中築圩

公署

舊志

張公祠在縣東三十里下義豐圩萬厯中知縣張其孝築圩

公署

舊志

杜公祠在縣北十五里卽便民倉屋祀知縣杜源舊志載東

西二祠俱距城三十里今並圯

採訪冊

貞烈祠在城隍廟東祀梅氏柏香汪氏德香何氏金妹後又

增入貞節李氏建坊旌表貞節趙氏貞節王氏建坊旌表貞

節許氏

舊志

嗣後增入特旌附旌甚衆歲用春秋二仲上丁日

致祭乾隆年間職員汪邦選等增築祠前垣墻五十五年庠

生梁頴茅芳等重脩

採訪冊

涇縣

社稷壇在縣東北二里地名下幕明成化中知縣王弁改築

國朝雍正十年知縣劉幹修

乾隆志

風雲雷雨山川壇去縣一里在濟農倉前明知縣王弁改築

國朝雍正中知縣劉幹脩

乾隆志

先農壇在縣東一里迎春亭

同上

邑厲壇在縣東北一里下幕聚糧倉北明知縣強珍建

同上

關帝廟在縣治北宣陽觀右明知縣張堯文建

國朝順治康熙間疊脩

同上

城隍廟舊濱河建于宋初政和五年縣令胡仔重新嘉定間
圯縣令王栒率邑人重脩後隳於水厯元至明初屢遷其址
成化庚寅知縣強珍徙于縣學之北尋圯嘉靖間知縣胡永
成陳守仁邱時庸蕭濂相繼葺之萬厯間知縣曹谷重葺崇
禎間知縣尹民興又葺

國朝順治間衆共脩之康熙戊寅知縣聞人柳重脩

縣舊志

八蜡廟在縣北五里幕山

乾隆志

劉猛將軍廟在縣北五里幕山

同上

三皇廟在縣治北元至元中建醫學在焉延祐五年縣令蘇

濟重修大之同上

火神廟在城隍廟左

國朝雍正中建祭以六月二十三日同上

金龍四大王廟在下坊河東

國朝康熙二十二年知縣鄧琪棻建同上

靈惠廟在縣西五里湖山下祀晉內史桓彝以將軍俞縱配

晉贈尚書郭璞宋太尉陳昌德從祀同上

集福廟在縣治南祀唐忠臣張雖陽公同上

陳雷二府君廟在縣西南五十里吳令陳焦雷失名宰涇時

開塘瀦水爲利甚溥故祀之今廢

同上

郭明王廟在縣東北十五里柏山祀晉郭璞璞嘗爲宣城太

守殷祐參軍又內史桓彝用其術遷郡治故祀之

同上

左王廟在縣東北十五里柏山祀唐戴國公左難當

同上

英濟汪王廟在孤山高嶺祀唐汪華又華將石五郎殺賊有

功土人廟祀于湧溪口

同上

香心夫人廟在縣南七里祀唐洪勝可妻烈婦梅五娘廟後

牧馬場夫人墓在焉又廟在縣東六十里蜈蚣嶺

同上

琴高先生廟在琴溪畔

縣舊志

周太保廟祀吳春穀長周泰

同上

葛仙廟在縣東北陶窑相傳晉葛洪結廬于此煉丹而陶器

作鄉人立廟

同上

丁仙廟在縣東七十里丁溪舊志載丁令威嘗爲涇令有惠

政宋端平四年尚書郭燮奏于朝敕封靈惠昭應侯

同上

真武廟在縣西南寶峯巖上

同上

承流府君廟在縣南四十里祀承流山之神歲旱祈禱輒應

同上

東流府君廟在東流山下

同上

西峯大聖廟在縣東荆竹坑每遇旱蝗祈禱輒應

同上

石臼琴高廟以下乾隆志不載今採鄭相如涇縣舊志補

之其爲村社報賽者仍不錄

附各祠

李翰林祠在震山永安寺祀太白今廢

乾隆志

羅公祠在縣東六十里小溪祀唐羅隱

同上

魏公祠在縣學側祀宋縣令魏杞今廢

同上

朱王二先生祠在水西精舍內

同上

懷德祠在水西明德堂中祀明郡守劉起宗羅汝芳

同上

劉公祠在明倫堂左祀明知縣劉世立今廢

同上

李公祠在縣東郊祀明知縣李邦華今廢

同上

蕭公祠在學宮南沈氏建祀水神

據縣志補入

寧國縣

社稷壇在縣治西二里

乾隆志

風雲雷雨山川壇在縣治南二里

同上

先農壇在縣東門外

同上

邑厲壇在縣治北一里

同上

關帝廟在縣西門外崇禎十年知縣姜荃林改建

乾隆志

舊在

南城外崇禎十年知縣謝紹芳姜荃林重建於西城門外知

縣葉承光復於廟門濬池築牆後圯

國朝康熙中知縣陳養元捐資重建乾隆五十二年衆姓捐修增

開殿前甬道

事實冊

城隍廟在縣治西

乾隆志

八蜡廟在儒學左

同上

劉猛將軍廟在西門外縣學前

同上

火神廟在南門月城內

同上

東平廟在縣西一里祀唐張睢陽公一在吳嶺鎮號忠烈廟

乾隆十五年建

同上

義烈方公廟在縣治西三十里祀宋方致堯見忠顯傳元末

兵燬洪武間嗣孫方繼脩

同上

魯府君廟在縣東七十里祀唐梅知嚴

同上

英濟汪王廟在縣西九十里座嶺之陽祀唐越國公汪華

同上

黎相公廟在縣治二十里唐會昌中建水旱禱之神姓李諱

頴睦州人嘗爲建州刺史立廟黎山俗因號黎相公廟

據江南通

志補錄

附各祠

程忠壯公祠在五都地方祀陳鎮西將軍程靈洗

乾隆志

三賢祠在十三都墻里祀宋秘閣修撰正肅公吳柔勝少師

參知政事莊敏公吳淵少師左丞相許公吳潛

同上

章四相公祠在縣東八十五里祀南唐宣歙鎮將章紹

同上

旌德縣

社稷壇在縣治北門內明洪武八年知縣趙約禮改築

乾隆志

風雲雷雨山川壇在南門外明洪武八年知縣趙約禮建同上

先農壇在縣東關演武場之南同上

邑厲壇在縣北門外洪武八年知縣趙約禮建同上

關帝廟在縣治東明洪武十二年知縣趙仲益建崇禎十六

年知縣劉勦重建又石嶺頭北門外各有廟同上

城隍廟在縣治西南四十步宋令李瞻建前明屢脩同上

八蜡廟在城北五里清風亭傍同上

劉猛將軍廟在城北五里清風亭傍同上

龍王廟

國朝雍正中江南新設 敕封福吳富農龍王之神每年春秋二

仲月用辰日致祭

同上

火神廟

國朝康熙二年定每歲六月二十三日致祭

同上

三皇廟祀先醫伏羲神農軒轅元至元中縣尹劉瑞建於邑中徽水門之東後廢今於威顯廟之大觀樓祀之歲以春二

月冬十一月上申日

據野舊志節節補入

威顯廟在縣東北隅祀唐睢陽張公

乾隆志

又一廟在二十都

縣西南四十里名忠烈廟廟首之名以此

據縣舊志補錄

汪王廟在縣東五都祀唐越國公汪華又城西永豐門外廟

貌魏煥康熙五十二年西關汪氏建

據縣舊志補錄

東嶽廟在縣南梓山宋紹興十年建明嘉靖二十三年重建

據縣志補錄

廣惠王廟在上涇鄉豐溪之東卽敬亭神

據縣志補錄

鍾山廟在江村西南廟祀海神

據縣志補錄

忠壯廟在招坊祀梁程靈洗大同中侯景圍臺城公於旌之

石柱山歆血誓衆赴義

乾隆志

兗州刺史廟在縣東三十里祀漢將邳避王莽之聘居邑門

寶洞

同

將軍廟在城南十五里祀晉將軍俞縱

同上

鳧山殿在縣東二十五里石鳧山元貞元年重建祀晉賓子

明有白龍潭遺跡

同上

附各祠

蘇公祠在北門外祀明知縣蘇宇庶

乾隆志

宗公祠在北門外祀明知縣宗敦一

同上

劉公祠在城北清風亭祀元知縣劉性

同上

喬公祠在水關門外祀明知縣喬明旃蛟水圯

同上

太平縣

社稷壇在縣治西一里

乾隆志

風雲雷雨山川壇在縣治南門外

同上

先農壇在縣東門外

同上

邑厲壇在縣治北一里

同上

關帝廟在東嶽觀右

同上

城隍廟在縣治東

同上

劉猛將軍廟在西門城外

同上

忠臣廟在富溪橋祀唐張睢陽公

同上

附各祠

節烈祠在縣治南祀羅趙等烈女十餘人每歲春秋二仲致

祭

乾隆志

名公祠在縣治西祀宋知縣孫覺明知府及宦知縣張瀚劉

元凱

同上

周恭節祠在縣治西祀明太常少卿周怡同上

附載

宣城縣義冢五所

西路安樂山

在

望城岡

在

南路南壇邊

在

北路芥子

岡一畝五分俱雍正癸丑知府黃叔俱捐置

又芥子岡傍

四畝六釐二毫五絲乾隆丁巳監生駱懋

鼎以祖塋安樂山計山七分六釐六毫六絲七忽置此抵換

乾隆志

南陵縣義冢四所

漏澤園

在南門外乾隆志

澤枯處

在南門外五里明天啟元年知縣張其孝置

增置

澤枯所

康熙庚戌年總甲劉維畧等捐買張山界南汪山界北共二畝

長山頭

康熙三十二年劉敦

捐施計山十六畝東至李山西至官巷南至李山北至俞山

俱同上

涇縣義冢十五所

寧國府志

卷十四

瀟澤園

在縣東五里隔宋特建舊縣志

平頭山

縣東五里

幕山麓

三十里順治間

知縣建

澤枯處

章家渡西岸世董萬良置

五音冢

大幕山二處下馬塚一處賞道

闕一處甘露庵側一處天竺庵側一處俱康熙戊戌年知縣賈椿置并為記乾隆志

上連都三處

一在柏官山一在塔基嶺俱陳良齡置一在山坡村同城山貢生陳敏平置

田中都飛虹山

古與其弟生元西同置

幕山平坦

乾隆五十二年知縣胡念祖置新縣志

寧國縣義家六所

西關外五里亭

知縣李

杜遷鎮虎山頭

崇正間知縣尹民興置

南

山岡

崇正間知縣尹民興置

胡樂司上關口

康熙間知縣馬光置

東鄉仙姓

中丞媳朱氏置

梅林

計地三畝有杏樹延

旌德縣義家十三所

漏澤園

在縣東南梓山資福寺前

南長嶺

縣東南二都計地稅一畝九分

了路口

西縣

北四都計地稅一十九畝五分

管山

北關外乾隆八年貢生汪廷佐捐置並捐七都寄蕪岱已出三畝四分爲

承造祭產

彭家山

城東入都乾隆十二年監生俞廷桂捐地畝三分建又捐山塘千丈田四畝二分爲承

祭產以上俱乾隆志

衣冠山

沙塘裡

俱入都黃崗坦乾隆年間貢

生王世會捐置

烏石頭山

楊木田山

乾隆年間故貢生江雍妻高氏遵遺命置

崗岱監生汪聯選捐置

洪培山

乾隆五十八年職員汪能御捐置以上俱縣詳冊

太平縣義家四所

黃亭舖西

明嘉靖間知縣朱守爲買民地十餘畝爲之

水東演武場前

明萬曆五年知

縣張廷榜買民地五畝爲之

五里塔金雞山

邑人方必通捐置

西門外鐵山

以上俱乾隆志

寧國府志卷十四

營建志

寺觀

宣城縣

景德寺在府治北陵陽第三峰僧綱司在焉今爲祝釐習儀之所寺始晉時名永安唐初名大雲開元中改額開元有水閣東向杜牧張喬有詩刺史裴休延黃蘗禪師開堂演法宋景德中更今名殿後有鐵佛一座北面右有浮屠多寶塔梅堯臣有題平雲閣及明上人院假山諸詩明洪武辛未立爲叢林正統丁巳知府袁旭令都綱壽源肇琇重建復開元之

舊乙丑頒大藏經貯後殿尋盡圯惟鐵佛存嘉靖乙丑知府
羅汝芳重募脩塔萬曆乙酉知府廖恒古造大雄寶殿徐元
太復創觀音堂藏經閣湯賓尹脩塔

國朝順治辛卯僧無碍募建千佛殿康熙乙丑僧官仲如建寶珠
閣於寺右今與觀音堂俱圯知縣鄧性置香燈田十三畝雍

正乙己乾隆甲子述脩乾隆志

按康熙府志云順治辛卯僧無碍募建千佛堂僧綱司察
舍久圯康熙十年僧官廣識重建縣志亦云康熙辛亥
僧官廣識重建僧綱司察舍闕乾隆志不載今補錄于此
天寧寺在北門外稍西創建莫考明洪武中廢天啟辛酉知

縣關驥借湯賓尹捐募建造時掘得小石獅子二枚小石碑
一面上書古天寧寺四字因仍其名置田百畝給香火

國朝順治初禪師恒證開法於此其徒呆夫曹水克雲繼之寺後

爲黃金山左有桃園橋後因寺中飯僧又名長生會

乾隆志

興國寺在城北門外里許舊名延慶唐咸通乙酉建有木浮
屠因號木塔寺宋太平興國庚辰重建繼燬於兵存小石刻
云興於壬廢於壬三五甲子相追尋元大德間廉訪使盧肇
有重修碑記明洪武辛酉重建辛未立爲叢林永樂正統時

遞脩

同上

廣教寺在城北五里敬亭山南唐大中己巳刺史裴休建佛

殿前有千佛閣慈氏寶閣相傳其材皆蘿松黃葉禪師募之
安南寺後有二金雞相闢入坎出水因名金雞井材從井出
建刹千間工竣餘蘿松八株植殿前數榮如故別有柏二株
住持僧有禪行異者卽開花數色元初設御講僧曰講主座
下數百人法堂曰雨華方丈曰寶華曰笑華曰圓照軒曰松
月曰雪堂亭曰懷李山門外有橋亭曰碧蓮梵花亭左右有
池曰連珠多長松灌木有律海運賢江東福地諸亭宋太宗
賜御書百二十卷僧惟真建閣貯藏郝允李建觀音殿並梅
堯臣記元末盡燬明洪武初僧創庵故址辛未立爲叢林詳
所應鳳廣教志畧古寺雖墟雨浮屠猶峙於山門前土人亦

名雙塔寺今大殿又廢存石佛殿二進且就圯

乾隆志

安國寺在城北十里宋紹興中建明洪武嘉靖時遂脩

同上

峽石寺在城北十五里

國朝順治丙戌建按古峽石寺久廢宋林逋有詩燈檠獨鳥迴晴

鳩鐘送遙帆落晚汀梅超中高詠嘗遊此尋求古蹟因復其

額今按寺在峽石橋側去鎮半里故老相傳古峽石寺卽此

今土人呼爲大乘庵

同上

護國寺在城西北三十里明正統初建嘉靖乙酉副綱正惠

脩

同上

寶積寺在城北六十里唐貞觀中僧悟真建明洪武辛未立

爲叢林宣德景泰時屢脩嘉靖末燬隆慶壬申僧智銓重建

國朝乾隆辛未僧綱天鑑募脩

同上

寶覺寺有二俱城北六十里東寺隋仁壽中建宋祥符賜額

西寺宋時建明洪武正統正德嘉靖時遞脩

同上

法輪寺在城北六十里砂石灣擬建莫考明正統中寺僧重

脩徐元太宿寺詩巢眠鳥似參禪定廟掩籠疑聽講

同上

空相寺在城北八十里水陽東鎮舊名白龍院唐開成元年

建相傳咸通乙酉白龍見幡竿故名宋元祐中改今額明洪

武辛未立爲叢林正統己未副綱壽源重建寺舊東向郡守

羅汝芳改寺西向更名南禪寺

同上

大覺寺有二一在城北九十里舊名崇善南唐保大中建宋
紹興辛亥魏良臣請為功德院改今額明洪武丁巳脩土人
名為東寺一在城北八十里宋紹興中建奉祀魏敏肅公神
主明洪武乙丑脩正統重修并建毘盧閣土人名為西寺同
淨國寺在城北九十里晉永平中建宋太平興國時廢明洪
武癸亥重建景泰中脩同

北大雲寺在城北九十里舊名慶雲宋治平中建明嘉靖間
脩同

法華寺在城北九十里宋嘉泰中建明正統戊午脩劉贊詩
客柳懷風涼五月疎樞傍水照千波同

勝果寺在城北一百里黃池鎮唐咸通中建明洪武癸丑脩
辛未立爲叢林正統己未都綱肇秀同耆民雷景暉等募造
玉溪石橋大理少卿楊復有碑記高詠有遊勝果寺詩同上
延壽寺在城北一百里黃池鎮宋嘉泰中建明洪武甲子脩
後廢萬厯甲戌里民雷鑄等重脩請郡題額召興國寺僧圓
吳住持

國朝乾隆甲子重脩同上

妙因寺在城北一百里宋嘉泰中建明洪武正統時遞脩同上

壽昌寺在城北一百里宋治平中建明洪武乙卯脩立爲叢

林同上

雲山寺在城東北一百里湖北山唐時建明嘉靖中都綱圖

剏重修

同上

永慶寺在城東北里許郡邑每歲迎春於此俗名迎春寺唐末刺史臺濛捨宅建舊名保壽宋太平興國時賜額今名有松風亭梅堯臣有詩庭下有古柏二株舊傳爲濛手植大者圍筭餘輪困突兀直數百年物寺久圯

國朝乾隆乙丑里民募建殿三楹工未竣前有禾豐橋

同上

乾明寺在城東北二里舊名福田唐大厯中建咸通中刺史

杜宣猷請額崔龜從撰經藏碑宋

報恩光孝後復舊

額元末燬明洪武甲子重建中有碧蘚亭梅堯臣有詩前有

福田橋

同上

惠照寺在城東十里玉山隋膠禪師道場宋治平甲辰建舊
名會勝院有沃洲亭胡宿判郡時有詩梅詢嘗讀書於此堯
臣詩當年吾叔讀書處夜夜濕螢來復去又李含章亦嘗隱
此每風月良夕輒吹鐵笛吟嘯自如元張浚明詩春風跨馬
銀鞍穩夜月騎牛鐵笛寒白注云梅尚書遊此乘銀鞍馬明
洪武中重建宣德景泰嘉靖時遞脩

國朝康熙戊申施閏章募請知府孔貞來參將韓自隆等重脩自
爲記并建讀書樓

同上

大梵寺在城東三十里明洪武初建正統乙丑脩

同上

治平寺在城東三十里宋治平中建明正統嘉靖時脩天啟間僧官道骨募脩前有父子橋同

永壽寺在城東三十里舊名景星宋治平中建明景泰隆慶時遞脩同上

羅漢寺有二一城東三十里曰上羅漢寺唐貞觀中建明洪武正統正德隆慶時遞脩一城東三十五里曰下羅漢寺宋乾祐中建明洪武景泰時遞脩同上

七里寺在城東三十五里唐末建明正統隆慶時遞脩同上

資聖寺在城東四十里創建莫考明洪武辛未立爲叢林正統嘉靖時遞脩同上

善果寺在城東四十五里隋開皇中爲尼寺唐上元中敕改

元延祐中重建明洪武辛未立爲叢林宣德景泰嘉靖時遞

脩

同上

白雲寺在城東五十里麻姑山南宋紹興中建明洪武嘉靖

時遞脩

同上

法海寺在城東五十里宋紹興辛未建

同上

海雲寺在城東六十里明時建卽法海分置

同上

淨相寺在城東六十里靈馬山麓舊名寶山院唐末建明洪

武正德隆慶時遞脩

同上

西禪寺在城東六十里宋紹興時建明洪武宣德正統景泰

嘉靖時遞脩隆慶戊辰僧洪天募建石橋山門前水漲獲免

同上

柏山寺在城南門外西二里舊名廣福梅堯臣母墓在焉建
祠寺右曰會慶堂堯臣卒亦葬于此寺僧德澄以梅有恩願
守之乃種柏於山因改名明洪武戊午重建辛未立爲叢林
隆慶壬申又建

國朝康熙癸卯知府龔繼令僧性瑜募脩

同上

寧信寺在城南三十里元中統時建明洪武成化時遞脩

同上

高山寺在城南四十里宋治平中建明正德嘉靖時遞脩

同上

淨居寺在城南四十里舊名興福宋開寶中建明嘉靖間脩

同

巖臺寺在城南六十里宋嘉熙中華田李沈七建明正德中

都綱圖昇募脩嘉靖戊午重建觀音閣

同上

城山寺在城南七十里舊名嘉福院宋開寶中僧可勛作菴

曰卧雲見傳崇寧甲申改今額明洪武辛未立爲叢林景泰

嘉靖時遷脩

同上

柏枧寺在城南七十里柏枧山舊名殿宋嘉熙丁酉建山口

梅氏祖塋附近菴石其後人世世脩葺明嘉靖中火梅守德

鳩族人重建寺外有飛橋梅振祚鑿石曰引虹

同上

甘露寺在城南七十里舊名旃檀宋治平中建明洪武永樂

正統時遷脩同

三天寺在城東南七十里舊亭山舊名妙顯隋扶風禪師棲
處開皇乙巳詔刺史楊榮建勅近寺居民五十戶充灑埽鄭
辨志爲碑銘宋治平中賜額壽昌紹興末改今額明洪武嘉
靖時遷脩寺左有三天洞明知府羅汝芳石刻詩高維岳有
遊三天洞記並詩後人題咏不勝數同

松巖寺在城南七十里創建莫考宋慶元中廢明正統中復

脩

同上

太平寺在城東南七十里宋紹興中建同

廣法寺在城南八十里後晉天福元年建明洪武景泰成化

嘉靖時遞修

國朝康熙甲辰善士胡應舉重脩常賑饑講約于寺中巡按張某

特獎

同上

南大雲寺在城南九十里宋建中時建明宣德景泰時遞脩

同上

能仁寺在城西四十里唐時建舊名天皇院宋祥符中改承

天政和中改今額咸淳間重建元大德中脩

同上

法雲寺在城西六十里行廊山梁杯渡禪師建舊名興雲宋

治平中改今額山有杯渡巖有梁武帝及師像周紫芝詩瀛

海從來是一漚何妨飛錫到中州解將餅鉢橫雲海懶向秦

淮障逆流元末寺燬明正德戊辰重建嘉靖癸亥修

同上

資福寺在城西六十里舊名善定宋治平中建明洪武正統

嘉靖時遞脩

同上

真如寺在城西七十里舊名保仁爲尼寺梁太清中建唐上

元中改今額宋治平明嘉靖時遞脩

同上

慈濟寺在城西七十里梁天監中建宋紹興明嘉靖隆慶時

遞脩

同上

對亭菴在景德寺佛殿西明嘉靖甲子郡守羅汝芳令僧了

玉募建貢安國記今圯餘僧寮數間

同上

般若菴在府治左岡上三義閣側明崇禎中僧性蓮募脩

國朝雍正八年重脩

同上

萬壽菴在龍首塔下書院左側

同上

法華菴在城南忠勤樓側元末建

同上

金粟菴在城北里許明崇禎時詹應鵬建

國朝順治初僧如臨募脩

同上

翠雲菴在城北十里敬亭山唐大中初裴休建廣教寺因卜
靜室於此元末燬明宣德中里人建菴故址名曰翠雲嘉靖
中圯陳希美改建憑雲閣曰凌雲崇禎戊辰火知縣謝元珧
復建閣曰雲齊吳伯與記壬申知縣陳泰來又於最高處建
額珠樓四方文士遊歷題咏者甚多

國朝康熙丙申知府佟賦偉重脩乾隆戊午邑人詹上彩脩雲齊

開靈異若佛殿山門四所又建穿雲于山半尋圯訛商汪成龍改建額珠樓爲亭又舊有亭曰卽此菱丹梯已廢

同上

一峯菴在城北十里卽敬亭山之一峯唐大中中爲廣教茶亭後燬明正德丙寅僧宗海重建嘉靖中知府羅汝芳留題碑刻尋佛殿圯

國朝順治初僧本性募修殿側有準提閣崇禎戊寅僧覺思建舊有清越禪師石菴精舍旣廢今脩復

同上

大山菴在城北三十里僧大空建倪正有碑記

同上

伏龍菴在城北三十里馬鞍山側明崇禎乙亥僧自脩建置有香燈田

國朝康熙乙酉歲旱知縣薛景瑄祈雨於此有碑記乾隆庚午脩上同

圓通菴在城北三十里瓦谷山明天破時建傍有龍潭上同

準提菴在城北八十里宋興橋南

國朝順治初僧玉成募建上同

雙林菴上名雙廟其地爲金寶圩適中處明萬厯間陷馬潭

劉廷對建以懋行人上同

孝慈菴在黃池鎮東舊名觀音菴僧三湘募脩上同

葛公菴在黃池陶家溝口明末葛公化身於此土人建塔菴

百上同

明鏡菴在城東北一里明萬厯中建

國朝順治丁亥僧融默重脩

同上

永慶菴在城東二里許明崇禎中僧融觀募建

同上

東溪菴在城東五里東溪橋側明萬厯初郡守王嘉賓建橋
郡人立祠祀之金陵僧性恒建菴於祠內故名棲霞講師法
通避暑恒公東溪菴詩有竹嶼薰長夏蘿軒避午陰之句卽

今杯渡菴

同上

半林菴在城東三十里湯賓尹建

同上

蓮池菴在城東三十里雞足山明萬厯壬子湯賓尹僧恒然
募建太史焦竑書震旦福額于佛堂朱之蕃遊蓮池贈恒然
詩有一池荷葉衣無盡數樹松花食有餘之句又爲碑記崇

禎末燬

國朝順治初僧敬如募建

同上

天如菴在城東麻姑山北掉石嶺下明萬厯時蔡鳳翔建後
有僧海月募金拓新菴址

國朝順治戊戌禪僧大猷開講於此

同上

觀音菴在城東五十里明時湯一桂建

同上

石佛菴在城東六十里宋嘉泰中建明洪武時脩葺燬崇禎
癸未沈瀚重脩頗極幽勝沈壽民有夜投石佛菴詩

同上

松隱菴在城東六十里宋咸淳庚午建明洪武癸亥重建隆
慶中僧善慶重脩貢鏞有詩

萬松菴在城東六十里宋咸淳中陳德純建明洪武宣德嘉

靖時遞脩

同上

清隱菴在城東六十里元至正中建明正統景泰時遞脩萬
厯中姚毅齋開義學其中湯賓尹有碑記崇禎末徐鴻起落
髮於此有入菴詩

同上

覺照菴在城東六十里元至正中建明洪武乙丑脩

同上

海雲菴在城東七十里至正中建明嘉靖間脩

同上

崇德菴在城東十字路玉溪關帝殿內明崇禎間建

國朝雍正甲寅僧雲宜募脩

同上

宛津菴在小東門外演武場側明崇禎壬申梅朗中爲疏令

僧明堂募建

國朝順治壬辰僧融虛募建菴前茶亭及關帝行殿

同上

青溪菴在響山潭上七里俗名觀音菴

國朝康熙丙午菴僧元德募府鎮廳縣及紳士捐資買放生河詳

山水志

同上按江南通志康熙府志俱作清溪

半山菴在七里岡下

國朝康熙間郡守龔胤捐俸爲半山在柯建梅清有過半山菴院

詩

同上

永明菴在嶧山東麓宋時古刹

國朝康熙中僧寄浮拓址重建杭山帶溪松濤竹韻極稱幽曠左

有品字墩永善橋諸勝又永福菴當壽松鋪孔道亦僧寄浮

捐建

同上

鶴馭菴在城東南四十里柏楓山下長嶺岡十里有鶴馭山

故名爲朱梅二姓香火知縣鄧性有碑記

同上

仙巖菴在城東南稽亭山仙人巖側有石基石几巖左有大

紅山茶一株根從石罅中出僅一指許而幹大徑尺下有石

池清可鑑物每春初花放輒千百朶旋覆池上數里外望之

如懸火珠高維岳有詩又有靈泉硯田菴僧賴之後田廢梅

枝鳳爲復其業

同上

龍泉菴在華陽山峭壁環繞泉如龍噴故名施共仁建

同上

塔泉菴在華陽山南高峯下有異僧坐化其中舊志又有高

峯菴宣寧二縣並載今准宣令貴中孚勘詳隸寧國界

同上

南華菴在城南門外南壇側明萬厯中圯崇禎辛巳郡守錢

敬忠重建

同上

心佛菴在城南柏山寺半里許明天啟癸亥建

國朝順治丙戌僧超晟脩康熙初其徒性權建塔菴左

同上

廣福菴在城南五里梅溪本沈氏別業

國朝順治初參將拓某置爲墓地改稱菴僧行慧住持

同上

閒雲菴在城南雙羊山麓明萬厯間僧思脩遊京師與脩佛

事賜紫歸建湯賓尹請藏經全部貯焉孤山澄心皆其嗣也

施國章過菴贈澄心詩有地近雙羊好身隨獨鳥閒之句梅
清同里中諸子置香燈會於此俱有詩同

草菴在城南張家橋明萬厯中僧本建募造大學士申時行

題額

國朝初僧空菴住此見傳同

西峯大聖菴在城南四十里明洪武乙卯建正德嘉靖萬厯

時遞脩

同

漱石菴在城南四十里團山麓梅振祚建菴踞石上下有釣

絲潭龍潛其中土人禱雨輒應

同

京堂菴在城南六十里密壠嶺上崇岡千仞其上寬衍如堂

故名北有龍潭每雲興輒雨宋元有古菴舊址明萬厯中重

脩

同上

傘谷菴在城南九十里洪武中重建俞綬有詩

同上

西樂菴在城西里許明萬厯中吳伯敬爲僧性果建棲霞講
師法通曾講楞嚴其中辛丑郡守張德明脩知縣尹三聘鑿
井菴前以濟行者

國朝順治庚寅僧照極建佛殿三楹自置燈田一十三畝按法通
有講席懷梅禹金詩云朝來無都講疑義誰能析空庭柏子

樹無言相對立

同上

百子菴在城西團山本清流鄉講約所明洪武初知縣王文

質建有咏官亭古樹詩云蒸龍佳木植官亭得象由來鴨脚
名直幹上承天漢日紛枝高比道南陰聖朝雨露孚中外仁
里衣冠愛送迎俗吏相看慚召伯時逢豐稔樂昇平後人改
拓爲菴題今名古樹猶存皮皴腹豁輪囷突兀誠數數百年
物也

同上

伏龍菴在城西十五里許長山東

國朝康熙壬午僧雅宗募建舊有彰教禪林在丁山北麓去菴里
許久圯遂移額於此

同上

白雲菴在城西二十里石山橋南

國朝順治間葉萬興倡建

同上

高嶺菴在城西三十里舊名峯樓祖殿有洪鐘宋淳祐元年

鑄明嘉靖己酉脩同

通津菴在城西五十里通津橋側湯賓尹建同

崇福菴在城西南七十里宋紹興初建明洪武隆慶遞脩同

元妙觀在府志西南鼇峯上唐爲紫極宮宋大中祥符改名

天慶宮舊在城東南紹興中火徙建今所寶慶間重建元大

德中更定今名道士賀汝迪居此見傳明洪武辛未立爲叢

林永樂辛丑都紀徐善淵重建宣德戊申知府武彥建吳天

閣左右迴廊正統己未知府袁旭建山門二座丁卯順道藏

經貯三清殿

國朝康熙中同知鮑積倉道官戈全振重脩左有雲深橋

同上

萬壽宮在城北門外迎恩街爲江西客館中奉許真君像置

有祀田

同上

靈應觀在城北十里敬亭山敏應廟西宋重和戊戌賜額明

宣德中都紀徐善淵道錄石至靈顏福淵重脩

同上

真符觀在城北四十里符裏鎮世傳許旌陽置鐵符事見古

蹟里人建觀奉像其中宋重和戊戌賜額明洪武宣德遞脩

旁有東平神祠及桓簡公墓

同上

真慶觀在城北八十里水陽東鎮元大德壬寅建明洪武庚

午重建宣德中徐善淵重脩

同上

麻姑殿在城東三十里麻姑山麓宋重和戊戌建明永樂間

道士畢用賢脩

同上

冲妙觀在城東三十里麻姑山西相傳麻姑脩煉處唐爲洞

仙觀初女冠居之有會昌中斷碑宋重和戊戌賜額今名明

洪武中道士麻用中重建東南有天游亭元泰定中建貢奎

記

同上

洞仙觀在城東四十里古有玉皇殿宋慶元初遣官禱雨有

兔盤旋塔圯已而霑足里人建觀元嘉定中請額明正統間

脩

同上

南陵縣

崇教寺在縣治右市橋河東南卽明儒學故址今爲祝釐習儀之所舊在縣東百步唐咸通中建本名聖壽宋太平興國中賜今額明嘉靖間知縣邵永春移換儒學

國朝順治九年知縣宋朝儒脩乾隆志今殿宇傾圯門樓尙存採訪

冊

香由寺在縣治北二百步舊云薦福燒香院明洪武間重建

景泰中脩乾隆志

普濟禪林在縣北一里

國朝順治十二年知縣楊必達建同上

開化寺在縣北二里唐爲安賢寺水池圍繞松蘿鬱茂舊名

謝家池杜牧詩謝家池上安賢寺面面松窓對水開莫道閉

門防俗客愛閒能有幾人來又云孝子蘇仲卿脩煉之所明

宣德景泰間遞脩嘉靖乙丑知縣邵永春建明經閣文昌祠

爲講學會所溪南別一中亭又題曰陵陽水口萬厯中知縣

沈堯中重脩

乾隆志

今門樓傾圯正堂猶存嘉慶五年係元祥

脩築垣牆有碑

採訪冊

安福寺在縣東北二十里明正統中重建

乾隆志

佑聖敎寺在縣東北三十五里明正統中重建

國朝順治三年重脩

同上

郭城寺在縣北五十里舊名普化唐乾符中建元末燬明洪

武十年重建

同上

浮城寺在縣北六十里明正統辛酉重脩刻石見存

同上

大通寺在縣南四十里明景泰中重建

同上

寶山寺在縣南八十里格裏

同上

柏林寺在縣東十五里梁大通間建

同上

延壽寺在縣東二十五里明正統成化時遞脩

同上

靈山寺在縣西三十里朗陵峯下諸峯攢簇泉溪縈繞梁天

監初杯渡禪師建舊云何琦遊息之所元末燬明洪武中重

建

同上

隱靜寺在縣西三十里亦梁杯渡建渡塚疑在是云唐李白

張祐梅堯臣並有詩

同上

靜林寺在縣西三十里牧冲清規山元時名清規院後改今

名

同上

靈泉寺在縣西四十里

同上

靈巖寺在縣西五十里唐貞觀二年金地藏建元末燬明洪

武初重建

同上

資福寺在縣西六十里明洪武中建本名吉祥成化丙申改

今名

同上

白衣菴在縣東四里

同上

圓通菴在縣東六里明萬曆癸丑年建

同上

雷塘菴在縣東十五里明洪武初建萬厯中脩同

天竺菴在縣南呂山中巔明萬厯三十年汪黃夔建同

柏園觀音菴在縣東南十七里明萬厯癸巳建同

甘露菴在縣北一里舊皇華驛北明崇禎間建內附祀邑令

陳廷詔周崇極甘文奎杜繩甲四木主同今廢採訪冊

石潮菴在縣北二十五里工山行祠在焉乾隆志

地藏殿在縣北三十七里卽古汪王殿明萬厯甲申建同

清溪菴在縣東北四十里明正統間建同

黃塘菴在縣北六十里舊名清福寺梁太清初建同

會龍菴在縣北六十里明萬厯癸丑建以邑中水口所會故

名後爲蕪民占丈崇禎間衆捐重修

國朝康熙六十年知縣宋延佐重修

同上

石龍庵在二十六七都奉議郎昌永撰記碑見存

同上

承天觀在縣東南四百步宋淳熙四年建明洪武十五年脩

國朝順治八年知縣宋朝儒建玉皇閣

同上

天齊觀在縣東南一里明正統辛酉建

同上

涇縣

大安寺在縣治北今爲祝釐習儀之所創始東晉明洪武壬子重建永樂宣德時遞脩隆慶間建方丈萬厯丙辰燬崇禎

辛未知縣尹民興脩

乾隆志

寶勝寺在縣西五里古五松院又名水西寺宋太平興國中
僧處元請額重建賜御篆二軸元豐五年敕改今名建御書
閣大觀二年建聖壽崇寧塔寺南有葛仙煉丹井又有風光
軒舊傳唐宣宗時長安若問江南事報道風光在水西軒名
以此明洪武初僧宗泐住持重建永樂宣德正統萬厯間僧
衆遞脩同上

崇慶寺亦在水西南齊永平元年建相國淳于芬捨宅始名
凌巖唐上元初改天宮水西寺大中中刺史裴休重建黃蘗
禪師住持宋太平興國賜今名凡十四院其最勝者曰華嚴
橫跨兩山廊廡皆閣道泉流其下詔興中建小塔東麓明洪

武辛未叢林永樂正統時遞脩上同

水西首寺亦淳于氏宅基唐上元中建乾寧二年賜額白雲

院爲伏虎禪師乾應道場後有乾應塔白雲泉在半山間有

澗水出焉又有東峯亭卽淳于氏送客亭前瞰賞溪登覽最

勝李白杜牧及宋元名人皆有詩明正統間改爲西方院後

改今名正德嘉靖隆慶時遞脩上同

覺慈禪院在縣西二十里崑山宋治平中賜額明景泰中重

建前有龍潭飛泉逆湍每歲旱禱雨於此上同

勝果寺在縣西三十五里宋淳熙中王千二捨基建明正統

中重建上同

新興寺在縣西四十五里明景泰庚午重建

永安寺在縣西七十里南藍山宋宣和中建明宣德中改名

覺慈院震山八景永安鐘鼓居其一

同上

長樂寺在縣西七十里宋紹興間賜額

同上

凌巖寺在縣西七十五里隋時建李白有詩後廢明宣德丙

午復建

同上

妙明寺在縣西八十里烏龍山下宋紹興間建方丈前有羅

漢閣上有清泉潺湲不息明宣德丙午重建

同上

長安寺縣西八十五里古刹額廢明正統癸亥重建

同上

乾明寺在縣東六十里唐爲佛牙菴大厯中賜額龍雲宋崇

寧中改今名明正統中重建前有放生池池東爲佛牙山

同上

妙相禪院在縣東六十里文殊山舊爲軒干寺宋崇寧間更

今名有清節軒風玉亭華嚴閣明永樂成化天啟時遞脩

同上

報恩寺在縣東六十里乘山嶺有十八景唐至德間建宋政

和中脩進士馮述造浮屠七級明正統癸亥重脩

同上

萬壽寺在縣南五里宋太平興國中得石地中狀類佛因建

菴名石佛紹興中改今額明洪武中燬宣德嘉靖崇禎時遞

建有獨柱門樓春原室

同上

法相寺在縣南三十里南宋元嘉中建唐會昌中廢南唐保

大中建宋端拱二年賜額靖康時又廢紹興中建秘書少監

曾幾爲記明景泰中脩今佛殿燬上同

大寧寺在縣西南四十里古猷州廢址舊名長安唐建中伏

虎禪師創建宋改今名熙寧中脩有蔣之奇記明永樂己亥

重建上同

安國寺在縣南五十里舊名陳雷菴宋慶元中縣尹孫觀興

請爲寺更今名仍奉陳雷二府君祀明洪武辛未立爲叢林

正統中重建上同

殷礪寺在縣東南五十里舊名青山庵宋淳熙申請額明洪

武永樂時遞建上同

定業寺在縣東南六十里石鼓山舊爲僧伽庵宋靖康間改

今名明正統中重建

同上

藍山寺在縣西南六十里李白有詩舊寺廢明宣德中重建

同上

龍雲寺在縣南七十里舊名寶光庵宋崇寧間更今名明景

泰中脩依山爲方丈頗稱幽勝

同上

宜陽寺在縣西南八十里明正統中重建

同上

龍興教寺在縣西南百里唐天寶中建有志聞定化寶五公

脩道於此後廢明永樂中重建

同上

白塔寺在縣東北二十里唐宋古剎舊在白塔山頂

國朝順治初徙建山腰

同上

巖龕寺在縣北二十五里宋開寶中建明景泰中重脩寺後有洞虛敞如軒細石疊結而成旁有龍穴幾所舊傳碧雞飛止其中太史許國有碧雞篇今佛殿廢同

顯明寺在縣東北三十里舊名永安宋大中祥符間改今額明洪武正統時遞脩同

雙峯禪院在縣西北三十五里明正統甲子重建同

天峯庵在縣東二十里玉屏峯

國朝順治初建同

般若庵在縣東六十里曹溪山口與硃砂山斜對兩壁峭立中通一徑山頂有龍湫池瀑布泉里人建亭其上同

硃砂菴在縣東六十里硃砂山地故多虎

國朝康熙丁未更建小菴以憇行者

同上

東西菴並在縣西四十里明正統景泰時重建

同上

吉祥菴在縣西七十里康禪創建未詳

同上

上下舍菴在縣西南七十里爲上菴在縣西七十五里爲下

庵明正統景泰時建

同上

妙峯菴在縣西七十里石籠山下宋宣和中建菴有四景者

閨日禪師守庵時有詩并序見傳明永樂間重建

同上

寶峯菴在縣西八十里與幽隱高峯二菴鼎立並明宣德間

重建嘉靖中建元帝閣於崖上

同上

銅峯庵在縣西八十里宋皇祐中建有塔峙其旁曰瑞應塔
後守訥禪師居此作草菴歌刻石於堂紹興中普見居士李
彌遜爲記見宜城總集明正統景泰時遞脩西北有觀音巖
浴鵲池同上

圓通菴在縣南三十里明宣德丁未重建同上

宣陽觀魏時遺址在甄唐宋隆興間道士徐知柔移建縣東
北半里明洪武永樂時重建嘉靖中火道會募建今三清殿
廢同上

寧國縣

敎忠寺在縣西北三里舊在廣福山宋寶祐間賜饒虎臣爲

功德院故名後燬明洪武甲寅建辛未立爲叢林景泰成化

宏治正德時遞脩

同上

靈巖寺在縣西北三十里文弁山東麓唐貞元中建宋治平中賜額寺前有山門六洞詳山川志後寺廢明正統間重建佛殿天王殿隆慶中增建

國朝康熙間知縣陳養元於鑿鐵菴遺址建亭

同上

寧元寺在縣北二里卽普蔭寺爲治後鎮明萬厯丙申知縣高夢旂建崇禎時燬復脩僧漢目天齡先後闢教於此

國朝康熙間知縣陳養元倡脩旁有梧井甚甘

同上

龍安寺在縣北一十五里宋治平中建後廢明洪武壬戌建

再燬正統間更置樓殿

同上

延慶寺在縣北三十里通靈峯麓又名麻屯寺宋治平初賜額後廢明洪武景泰時遞脩

同上

奉聖禪院在縣西三里舊名白雲山唐大中時裴休請黃蘗禪師講經於此乾寧中賜額永清宋治平中改奉聖熙寧中爲禪院自宣和迄明宣德崇禎屢經廢興

國朝康熙辛卯知縣陳養元重脩右有畱雲樓嘉靖時額曰洞觀萬厯時改曰白雲郡守蕭良譽有詩

同上

真覺寺在縣西二十里唐會昌中建宋政和中改爲禪寺明

景泰癸酉重建

同上

彌勒寺在縣西四十里宋治平中賜額明宏治間重建山頂

有井號曰天井

同上

龍福寺在縣西五十里宋紹興中建

國朝康熙間增脩

同上

崇福寺在縣西六十里一名沿山寺唐天祐中建明正統隆

慶時遞脩

同上

香蓋寺在縣西八十里唐時建韓翃詩愛遠登高塵眼開爲

憐蕭寺上經臺宋熙寧初賜額

同上

寶勝寺在縣西八十里宋開寶間賜額明洪武萬厯時遞脩

同上

圓靜寺在縣西八十里五龍山宋咸淳間建明正德萬厯時

環溪章氏遜脩前有龍潭

同上

吉祥寺在縣西九十里宋治平中建山前有羅漢潭後有卧

佛石像宛若天造

同上

崇果寺在縣西一百一十里唐貞觀中建寺前有石鏡又有

羅漢竹一十八竿每一筍生則一竿枯竹下有龍潭湧泉明

洪熙乙巳燬正統丁巳重建佛殿毘盧閣石橋景泰庚午建

法堂樓各五間宏治間建山門五間崇禎間重脩

國朝康熙癸未又於山麓建點石菴仙祖紳記

同上

興教寺在縣東三十里蔣峯山山高入百餘丈上有鳥跡下

有龍泉舊名寧化院宋治平中賜額

同上

崇因寺在縣東四十里梁開平初建宋治平中賜額大慧禪

師重建明洪武辛未立爲叢林

同上

行香寺在縣東八十里宋端平中賜額

同上

洞門寺在縣東一百二十里石山對峙下臨深澗一徑險仄

僅可捫壁行宋端平中賜額前有浮屠一座高數十丈仙克

謹有詩

同上

廣濟寺在縣南四十里唐天祐中爲平山院南唐昇元中徙

建聖龍山下

同上

靜居寺在縣南四十里唐光化中建宋治平中賜額

同上

寶雲寺在縣南四十里唐會昌建宋治平中賜額明景泰中

增脩

同上

建興寺在縣南五十里宋乾道中建有晏老風月二堂

同上

惠雲寺在縣南六十里唐太和中張徵建一名山東寺相傳

定光佛初爲此寺苾芻

同上

信相寺在縣南八十里南唐保大中建宋祥符時賜額

同上

宜梵寺在縣南九十里宋天聖中建舊名谷林元祐中改今

額

同上

永寧寺在縣南一百二十里唐時建宋末廢明景泰中重建

胡思浩施田飯僧

同上

金僊菴在縣南四十里宋治平中建明洪武嘉靖時遞脩同上

法華菴在縣北二里僧自知刺舌血血書法華經因名同上

獅子菴在縣北一十五里宋治平中建後廢明正統中汪普

重建嘉靖甲子知府羅汝芳改名龍谷寺錢德洪題山門白

獅巖寶池同上

潯龍庵在縣北二十五里潯潭西舊名桃源菴明萬厯間知

縣祁承璞建同上

僊人菴在縣東二十里明洪武間建宏治中脩上有馬跡仙

巖同上

語山菴在縣東女兒山羅隱有詩同上

隱峯菴在縣東三十里明宏治間胡思溥建相傳宋有高士

隱此故名

同上

清涼菴在縣東三十里沙埠

國朝康熙戊辰僧靜森建初於石壁間得數大篆字剝蝕不可辨越

數武又一石隱約似清涼二字因名右有亭程應燁建

同上

雨花菴在縣東三十里梅林南明末程廷楷建

國朝康熙中楷孫鵬增建僧無我脩持於此見傳

同上

祿青菴在縣東一百一十里當浙東孔道明萬厯間仙作霖

建菴前有祿青橋環翠亭

同上

望仙菴在縣東一百一十里

國朝康熙丁未石壁上苔蘚剝落忽見佛像高約四尺又有望仙

菴三字鑿痕仙祖德蓋茅爲菴延僧主之

同上

同人菴在西津橋東

國朝康熙間知縣陳養元倡建祀龍神以備雩祭後奉岳忠武神

位

同上

巖堂菴在縣西六十里宋治平中建元末廢明正統間重建

舊名沈禪師菴山頂有泉頗稱清沁

同上

高峰菴在縣西七十里西坑山之上一名鐵瓦菴山高萬仞

前人鑄鐵瓦覆之山下至菴十里天氣晴明望郡縣如山麓

茶最清芬夏至後採

同上

彌勒菴在縣西九十里大方山一名大方菴宋治平中建明

嘉靖間脩後有白石巖高數仞古柏森然

同上

黃金菴在縣西九十里宋時舊址明嘉靖間重建天啟辛酉

遷甘露峯下左有蝦蟆石

同上

長壽菴在縣西雲中山明正統間建

同上

青華觀在縣西二里宋紹興壬子建明洪武庚戌重建永樂

宣德正統宏治萬厯崇禎時遞脩

國朝康熙辛卯知縣陳養元倡脩

同上

顯真觀在縣東八十里宋紹興中阮永興建後廢明景泰間
復建崇禎甲戌仙克謹築石臺建三元堂并置產數十餘畝

給之

同上

朝慶道院在縣東九十里明正德癸酉建

同上

旌德縣

護國寺在縣東門外陳貞明元年建宋開寶乙亥重建明洪武辛未立爲叢林萬厯間建八正堂崇禎中建御香閣

本朝順治戊子建藏經閣卽善世堂舊址

乾隆志

資福寺在縣東南二里梓山下宋開寶中建明洪武辛未立爲叢林正統嘉靖時遞脩中有歸一堂貝葉林諸梵室

本朝順治中僧雲石住持知縣茹鄂侯爲建毘盧閣司李楊

應標有碑記

同上

華陽寺在縣東五里宋開寶中建明洪武辛未立爲叢林前有石井四面天成號曰天井約周三丈許泉深莫測同上

會勝寺在縣東北十五里宋太平興國中建明正統萬厯時遷脩

國朝復脩玉壺山滕丞相遇獨覺仙人遺跡在焉有鐵鐘甚鉅爲邑中名勝之一同上

靈台瑜珈寺在縣東二十里宋紹興中建明隆慶中脩佛日才禪師住持陳天麟有詩同上

寶蓮寺在縣東南四十里明太祖吳元年建萬厯中脩同上

蘭野寺在縣東五十里宋淳熙中建明成化萬厯時遞脩陳

天麟有詩

同上

西竺寺在縣西棲真山

國朝康熙庚戌知縣茹鄂侯建施閭章汪士鋐孫郁並有詩

同上

延壽寺在縣西北四十里唐咸通中建明萬厯中脩汪齊詩

滿軒蒼翠羣峰照遙縣潺湲一水流

同上

龍山寺在縣西四十里安吳縣廢址唐咸通中建舊名孔子

教寺康熙志云孔子自有廟祀不得以寺名褻亂祀典不更

列今按旌志

國朝康熙丁巳知縣閻澍以寺在龍首山下改今名有碑記足正

舛謬宜從之

同上

多寶寺在縣西六十里唐光化初建宋治平賜額明洪武辛未立爲叢林湯賓尹嘗授經於此扁題擊大法鼓梅鶚有記

同上

勝因寺在縣西七十里宋治平中建明正統萬厯時遞條陳

天麟有詩唐觀察使方臺墓在寺後

同上

福田寺在縣北十八里宋紹興時建陳天麟詩遠市前朝寺

何年古佛廬

同上

沃華寺在縣北二十里宋紹興二年建明萬厯間脩崇禎間

郭建邦重修胡鎬詩雨過雲牙淨烟消石鼎閒空林無鳥噪

老樹有猿攀

同上

瑞蓮寺在縣北二十五里唐乾符中建舊名延福寺宋時生芝草兩本數莖見沈處厚序又池產碧蓮因改名陳天麟詩紫芝秀出何年石碧藕開成幾丈花明景泰間脩

國朝重脩

同上

靈源寺在縣北三十里宋紹興六年建明萬厯重脩

同上

深塢寺在縣北四十里唐咸通中建明萬厯中重建陳天麟

詩三休登壠首百轉入雲隈喬木千章老鳴泉萬壑哀

同上

龍山法雨禪寺在縣北四十里三溪龍頭山

國朝康熙時重建

同上

後林寺在縣北四十里唐咸通時建明成化中重建

同上

崇聖菴在縣東五里土名培塘菴明洪武初建奉高祖諭旨
故名隆慶間脩

國朝僧成楞住持見傳

同上

古巖菴在縣東十里元延祐中建明萬厯中重建

同上

上陽菴在縣東十二里元皇慶中建明嘉靖中重建

同上

南山菴在縣東十五里元至大中建明萬厯中重建梅鶴讀

書於此有詩一肩勢利都拋下僧舍澄心仰聖賢釋子未須

開口笑此人不是汝前緣

同上

從佛菴在縣東二十里毛栗坦僧性曜建

同上

繡毬菴在縣東二十五里獅子山頂姚紹善廬墓時建

同上

佛南山菴在縣東三十五里橫山本舒姓館室明崇禎時捨

爲菴僧清如住持見傳

同上

烏嶺菴在縣東四十里明萬厯中重建

同上

西山菴在縣西嶺上三里元至正中建明萬厯中重建

同上

大嶺菴在縣西二十里宋德祐二年建明萬厯癸未脩知縣

江天一改爲天嶺菴

國朝順治六年重建

同上

金竹菴在縣西三十里明萬厯間建

同上

金鰲菴在縣西三十五里明正德三年建萬厯時脩

同上

東雲菴在縣西三十五里萬石山明成化中建嘉靖中脩

同上

雲峰菴在縣西四十五里元大德三年建明萬厯中脩上同

從心菴在縣南四十里上涇橋側呂運泳建俯臨玉溪有塔

太史儲大文有從心水閣記上同

天臺菴在縣南七十里羊氏本洪溪芮氏別業

國朝順治庚寅改爲菴僧啞谷住持見傳上同

白雲菴在洪溪芮氏村口湯賓尹嘗授經於此題額卽其墨

蹟上同

四峯菴在縣西南七十里元至正初建明萬厯中重建崇禎

時僧休休住持見傳上同

柳山菴在縣北十五里明成化時建隆慶中脩上同

蓮塘菴在縣北二十五里石壁內明嘉靖乙未重建

同上

洪山菴在縣北二十八里元至元時建明嘉靖中脩

同上

祥雲菴在縣北三十里元至元中建明景泰萬曆時遞脩

國朝順治丁酉重修舊有十八阿羅漢相慈悲喜好宛然如生邑

中名勝之一僧行勝住持見傳

同上

圓通菴在縣東北八里元至正初建明嘉靖中重建

同上

興教菴在縣東北二十五里元至正初建明宏治中重建左

有塔

同上

隱庵菴在縣東北二十五里明時建

國朝僧傳輪募脩有太史王澍碑記傳輪能詩其山居偶咏云山

居落日噪歸禽衝斷煙雲豁素心徒倚欄杆看芍藥一輪月

浸草鞋深

同上

蘭山菴在縣東北四十里今名蘭谷禪林

國朝雍正間僧廣清募脩方學成匾曰靈山真面

同上

蘭石菴在縣西北三十里明成化中建嘉靖間脩

同上

崇真觀在縣治西南明嘉靖間建

同上

青華觀在縣西三里棲真山宋乾道時建明成化重建陳天

麟有詩

同上

西山觀在縣西十七都元大德中建

同上

紫微道院在縣西北三十里宋景定五年建明隆慶間重脩

一云卽德山觀

同上

紫清道院在縣西三十里元至正四年建明宏治間脩

同上

太平縣

重興寺在縣北一里舊名碧雲菴宋紹興中賜額明洪武辛

未立爲叢林

乾隆志

興國寺在縣北三里初爲泗洲堂又名圓覺菴宋紹興中賜

額今額分重興寺

同上

廣仁寺在縣北七十里舊名安仁院唐天祐中李鐸施宅宋

治平初賜額紹興中重建明正統中脩

同上

松山寺在縣南二十里宋紹興中賜額

同上

新興寺在縣東南四十里宋紹興中賜額同上

龍吟寺在縣東南四十里舊在縣西北龍門鄉世傳左難當

故居有魚鳴井中故名後廢宋元祐中僧子英徙建於此遂

用其額侍郎呂廣問有記同上

廣福寺在縣西南四十五里舊名羅漢寺宋太平興國中額

曰聖壽乾道中改今名同上

翠微寺在縣西南六十里唐中和二年置麻衣禪師道場有

飛錫泉遺蹟見傳明洪武辛未立爲叢林汪澤民有詩記同上

香城寺在縣西南八十里初爲重興菴宋紹興中賜額同上

城山寺在縣東三里宋紹興中賜額同上

勝果寺在縣西五里宋紹興丁巳請南陵廢寺舊額曰廣問
記云邑民程進望金雞山有白雲得泗洲僧伽像異而祠之
又爲佛塔建炎時像記並燬塔僅存明洪武辛未立爲叢林

同上

大覺寺在縣西二十里三折嶺左

同上

蘭若寺在縣西二十五里宋淳熙中賜額

同上

真如寺在縣西六十里舊名陵陽院宋太平興國初賜額

同上

五松寺在縣西六十里宋淳熙中賜額

同上

羅漢堂在縣治章村舊傳有十八白鶴飛翔於此故建

同上

明善庵在縣南二里元泰定初建明洪武辛未立爲叢林

同上

真常菴在縣南十里元大德中建

同

慶源菴在縣東南十里宋乾道中建

同

西峯菴在縣南二十里宋乾道中建明太祖吳元年重建

同

呂公菴在縣西南二十里元延祐初建

同

巢翠菴在縣南三十里元大德初建

同

松谷菴在縣西南三十里黃山芙蓉峯下元張松谷脩煉於

此見傳

同

無爲菴在縣南五十里宋紹興中建

同

城山菴在縣西南一百里宋乾道初建劉元凱有詩

同

永濟菴在縣南箬嶺橫培乾

國朝康熙七年麻村胡可期建子師靖助田二十畝爲施茶費上同

如意菴在縣西二十五里元大德中建上同

大慈菴在縣西三十里明太祖吳元年建上同

觀音菴在縣西七十里唐中和初建上同

海會菴在縣北四十里宋乾道中建明太祖吳元年重建上同

南山菴在縣北五十里宋乾道中建上同

九龍菴在縣西北八十里明成化初建嘉靖間爲講學會所

錢德洪王畿有會約序上同

昇真觀在縣東南二里舊名黃山觀宋嘉祐中建政和間賜

額上同

元真道院在縣南三里无至正中建

同上

城山觀在縣西五十里宋司戶焦源建黃山堂解元焦頤重
葺扁曰城山書院二子魁文武榜後人有詩曰山川可隱神
仙跡草木猶馨文武名今改爲觀祠玉虛真人每年三月上
已賽會其上

同上

九龍觀在縣西南六十里舊傳漢永平中地湧九泉因穿九
井唐開元中爲僧舍宋政和中敕改爲觀

同上

按乾隆府志云各縣志所載菴院猥繁或無建置年月或
無地名里數率皆繙羽之流棲託資生而已舊志不備書
今仍之